

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126164](#)

De Secundo.

ACcedemus nunc ad alteram partem, Xxiijoyr. i. 10. sive notitiam Domini nostri Iesu Christi contemplaturi. Proponitur autem nobis Servator noster in Evangelio hoc :

I. *Tanquam Spiritus Sancti imperator.* Dicit enim Servator ipse : Veritatem ego dico vobis : expedit vobis, ut ego vadam, si enim non abiero, Paracletus non veniet ad vos, si autem abiero, mittam eum ad vos.

Quantum hoc beneficium & donum sit, filii hujus seculi ignorant, terrena enim tantum sapiunt, Phil. 3. v. 19. & quando frumentum & mustum eorum multiplicata sunt, Psal. 4. v. 8. aut promptuaria eorum plena, educentia de frumento in frumentum, Psalm. 144. vers. 13. Spiritum Sanctum non adeo desiderant, eine wohlespickte Sattel-Taschen voll Thaler oder Ducaten / ist ihr bester Trostler / ut Hiob de illis ait : quod putent aurum robur suum : & dicant obrizo : fiducia mea. cap. 31. vers. 24. Sed nos Christianovimus, hoc optimum bonum esse, quod a Christo honorati sumus. Si quis enim spiritum Christi non habet, non est ejus, &, quicunque spiritu Dei aguntur, hi sunt filii Dei. Rom. cap. 8. v. 10. 14.

Inveniuntur homines profani, qui spiritus, ut vocant, familiariter secum portant, in vitro, vel annulo, vel alio modo, ut commode eis videtur.

Olim Parisis quidam fuit, qui eosdem publicè venales exposuit, vitro instar fuci, muscae, cantharidum, aut alterius alicujus insecti, conclusos : quorum virtutem ad

multas scientias, sine molestia addiscendas commendavit. Sed ut exempla probarunt, exitus plerumq; infelix est.

Bodinus refert, quod suo tempore nobilis Gallus, ejusmodi spiritum familiarem in annulo circumfessaverit, quem ab Hispano emerat : Quia vero spiritus ille sepe cum fecellerit, pœnitentiâ ductum, in ignem cum projecisse, sed mente captum miserabiliter mortuum esse.

Veri Christiani provideant sibi, ne spiritui huic mendaci tantillum loci in cordibus suis relinquant. Nihil enim aliud agunt, quam quod in æternum exitium se præcipitant. 1. Tim. 6. vers. 9.

Sed optimus noster Servator, nobis verum spiritum familiarem impetravit, cuius beneficio ex omni animæ periculo liberati, gratiam & misericordiam consequi valemus. Regenerat enim nos : nonne gratia? Tit. 3. v. 5. illuminat nos, nonne gratia? Eph. 1. v. 18. sanctificat nos, nonne gratia? Rom. 1. vers. 4. Dicit nos in omnem veritatem, nonne gratia? Joh. 16. v. 13. adjuvat infirmitatem nostram, nonne pariter gratia? Rom. 9. v. 6. *Magistratui* adfisit, veluti spiritus sapientia, consilii, & fortitudinis. *Sancto Ministerio*, ut spiritus scientia & intellectus, *Omnibus Christianis*, ut spiritus timoris Domini, quod peccata declinare, & justè agere possint, Isa. 11. v. 2. Hæc gratia iterum magni facienda est, ideoque decet nos diligenter orare, ut eundem a Christo immetremus, Luc. 11. v. 13. & immetratum non amittamus Psalm. 143. v. 10.

II. *Tanquam Elenchi Ecclesiastici commendantor.* Spiritus enim Sanctus arguet mundum, de peccato, & de justitia, & de judicio.

Dominica Cantate.

De peccato quidem, quia non crediderunt in me. De justitia vero, quia ad Patrem vado, & jam non videbitis me. De judicio autem, quia princeps hujus mundi, jam iudicatus est.

Hic Christus quasi *tres classes* constituit eorum, apud quos Spiritus Sanctus officium suum elenchiticum exequitur. Occurrunt enim

1. *Increduli*, qui consilium Dei spernunt adversus seipso, Luc. 7. v. 30. Et Christum, mundi Salvatorem quasi abigunt, sicut Iudei & Ethnici fecerunt, cum in his terris visibiliter ambulavit. Hoc Christus καὶ ἔχειν vocat peccatum, quia ἀπίστα fons est, ex quo cetera peccata omnia derivantur, sicut ex adverso fides fundamentum & origo virtutum omnium appellari potest, utpote, sine qua impossibile est, placere Deo. Hebr. 11. v. 6.

Caveamus, ne nos quoque hoc modo reprehensionem Spiritus Sancti incurramus. Hebr. 3. v. 12. seqq.

2. *Justitiarii*, qui meritis suis nituntur, justitiam, quam nobis Christus abitu suo, h.e. passione, morte, resurrectione & ascensione acquisivit, non querere nec recipere volunt, quod eo tempore fecerunt Pharisaei & falsi Apostoli, de quibus Paulus queritur, Rom. 10. v. 3.

Hodie in hanc Classem referendi sunt Pontificii, qui similiter misso Christi abitu per opera sua salutem acquirere fatigunt, eum tamen in nullo alio salus, nec aliud nomen sub celo datum hominibus, in quo oporteat nos salvos fieri. Act. 4. v. 12.

Hoc arguit Spiritus Sanctus, & vocat Pharisaeam hanc justitiam pannum menstruarum, Esa. 64, 6. imò expresse dicit, quod justitia nostra plus abundare debeat,

Matth. 5. v. 20. Ideo Justitariis hisce spiritis, cum Elaia gloriemur: In Domino justitia & fortitudo mea. Esa. 45. v. 24. Christus enim à Deo nobis factus justitia, 2. Cor. 5. v. 21. alium enim insequentes, multiplicarunt molestos labores suos. Psalm. 16. verf. 4.

3. *Epicuri de grege porci*, qui securè in diem vivunt, haud secus, ac si foedus cum morte percursorint, & pactum cum inferno, Esa. 28. v. 15.

Tempore Christi, peculiaris inter Iudeos secta, Sadducorum videlicet, erat, qui mortuorum resurrectionem abnegabant, Matth. 22. v. 23. Quin & alii irrisores occurrabant, dicentes: Ubi est promissio, aut adventus ejus, 2. Petr. 3. verf. 4. Adhuc hodie inter Christianos non pauci inveniuntur, qui vitâ suâ profanâ & impia, se mortuorum resurrectionem, extremum judicium, & vitam æternam cum inferno, non ex animo credere, testantur. Ideo illudunt peccato, Prov. 14. v. 9. & malum manuum suarum dicunt bonum, Mich. 7. verf. 3.

Hoc arguit Spiritus Sanctus passim in sacra scriptura, imprimis vero, Malach. 3. verf. 14.

Fungitur autem Spiritus Sanctus muneris hoc elenchitico non in propria persona, seu visibili specie, sed per ministros suos, qui sunt pii Pastores, unde etiam officium eorum *ministerium Spiritus* dicitur.

Hoc Pastores & verbi ministri accurate perpendant, ne labia sua prohibeant, Psal. 40. verf. 10. sed clament, & non cessent, Esa. 58. v. 1. secus enim, canes muti sunt, Esa. 56. v. 10. quorum pars aliquando erit in stagno sulphuris & ignis. Apocal. 22. verf. 8.

Audi-

Auditores vero quando ob peccata arguntur, non repugnare debent, non enim hic causa hominis, sed Spiritus Sancti agitur, unde grave ipsis erit, adversus stimulum calcitrare, Act. 9. v. 5. Meliora sunt vulnera amici, quam fraudulenta oscula inimici. Prov. 27. v. 6.

III. Tāgnam infirmitatis nostrae tolerator. Quia enim Discipuli ejus propter abitum Christi ad patrē tristitia impleti erant, ideo afflictis non vult porro addere afflictionem, sed captui eorum inserviens, ait: Adhuc multa habeo vobis dicere, sed nunc non potestis portare? Quæ verba non ita intelligenda sunt, ut Pontificii intelligunt, ac si Scriptura imperfecta sit. Christus enim discipulis suis omnia satis perspicue dixit: quia vero falsa illa persuasione imbutierant, CHRISTI regnum terrenum fore, ideo non capere poterant, quod iisdem de abitu ad patrem inculcabit, interea tamen nihil ipsos celavit, sed omnia manifestavit, Joh. 15. v. 15.

In festo vero Pentecostes virtute ex alto instructi sunt, ut omnia, quæ ante non capiebant, satis dextre intelligerent, & magnalia Dei, variis linguis cum omnium stupore, & admiratione loquerentur, Act. 2. v. 11. Ideoque ait: Hæc locutus sum vobis, apud vos manens. Paracletus autem Spiritus Sanctus, quem mittet pater in nomine meo, ille vos docebit omnia. Joh. 14. v. 26.

Dicunt hinc verbi ministri, quomodo & ipsis captui Auditorum se attemperare, & simpliciores farragine doctrinarum non obruere debeant, non enim possunt id portare. Sed ut matricula infantulum non

non carnibus assatis: sed lacte nutrit; ita & pastores Auditores suos, qui ut plurimum ex simplicioribus constant, lacte pacescere debent, ut in fide crescant, & abundant magis. I. Thess. 4. v. 1.

Evangelista Johanni calamus dabatur, similis virgæ, eo templum Dei, & altare, & adorantes in eo metiri tenebatur, Apoc. 11. v. 1.

Johannes hic typus est, omnium Pastorum, omnibus enim dictum est: Fac opus Evangelista, 2. Tim. 4. v. 5, sicut igitur Johanni calamus similis virgæ datus, quo templum & altare, & adorantes in eo metiri oportebat eum: Sic & verbi ministri attendere debent gregi, in quo Spiritus Sanctus eos Episcopos posuit, Act. 20. v. 28. & quasi metiri captum Auditorum, quantum in rebus fidei capere possint, ut sciant, an lacte vel solido cibo opus sit. Heb. 5. v. 12. Omnis enim scriba doctus ad regnum celorum, nova & vetera proferre debet, Matth. 13. v. 52. h.e. legem & Evangelium, ut pro ratione personarum arguere & consolari possit, Esa. 50. v. 4. Imo ita Auditoribus se accommodare debet, ut omnibus omnia fiat, ut omnino aliquos faciat salvos, I. Cor. 9. v. 22. Vivimus enim adhuc in terra oblicationis, Psal. 88. v. 13. & renovamur de die in diem, 2. Cor. 4. v. 16. Donec occurramus omnes in unitatem fidei & agnitionem filii Dei, in virum perfectum, Eph. 4. v. 13. Fiet hoc in vita æterna, quam omnibus Deus largiatur per Christum, Dominum & Salvatorem nostrum,

Amen.

[o]